



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epitome Annalivm Trevirensium**

**Masen, Jacob**

**Augustae Trevirorum, 1676**

Epistola Dedicatoria Ad Reverendissimum & Celsissimum Principem Joem  
Hugonem Episcopum Spirensen Et ... Caroli Caspari Archiepiscopi  
Trevirensis ...

**urn:nbn:de:hbz:466:1-12542**



EPISTOLA DEDICATORIA

A D

*Reverendissimum & Celsissimum Principem*

JOEM HUGONEM  
EPISCOPUM SPIRENSEM  
ET S. R. I. PRINCIPEM,

*Eminentissimi & Reverendissimi Principis*

CAROLI CASPARI  
ARCHIEPISCOPI TREVIRENSIS  
ET S. R. IMP. ELECTORIS AC PER  
GALLIAM ET REGNUM ARELATENSE

*Archicancellarii, Administratoris Prümienfis  
Perpetui &c.*

COADJUTOREM.

Reverendissime & Celsissime Præsul ac  
Princeps.

**D**icere illius ad Celsitudinem Tuam Histo-  
ria Epitomen bonis deferris auspicijs, cujus  
jam dudum expectati Annales Eminen-  
tissimi Archiepiscopi atque Electoris Ca-  
roli favore nuper lucem adspexere. Idem  
sanguis studiumque propaganda religionis, ac pietatis a-  
vita ad alios me transire in hujus opella mea Dedicatione  
vetat. Notum est, quanto multorum per Europam deside-  
rio res geste Trevirorum, & antiquitate memoranda, &  
sanctitate celebres, fuerint exoptate. Cæptus hic à pluri-



## DEDICATIO.

bus, dignissimus rep. Christianâ, labor; sed vel mole vel etiam caligine rerum interceptus, usque ad hæc ultima hæsit secula. Post veteres Archiepiscopos Balduinum & Cunonem, horum Annalium non otiosè cupidos, Ennenius deinde ac Kyriander, ille tenuiter admodum, hic etiam (ut fidem Deo Principique suo violârat) perversè res Trevirorum prosecutus est: donec tandem superiori ævo ab Elizio, Schonebergio, Lotharioque Principibus Brouverus è Societate nostra, plurimum huc studij, ac postremùm & ego laboris aliquid, perurgente inclyto Principe Avunculo Tuo contuli, atque in lucem, benevolentissimâ ipsius ope, & nunquam peritura apud gratam posteritatem memoriâ, produxi. Neque enim minus, quam urbem novam Trevirensibus visus est condere, qui hoc egit, ut quidquid à tota antiquitate magnificum, quidquid pium sanctumque, quidquid gloriosum in recordatione Majorum superfuit, hoc ab oblivione vindicatum, ad lucem conspectumque Nepotum, velut uno in theatro spectaculoque, propositum sit: ut que facta olim seculis diversis jam reproducta simul, nostra hac ætate, literarum beneficio, videantur.

Sed cum vastior illa Annalium duobus in tomis moles sit ad precipuas tantùm Europæ Bibliothecas, literatorum transferenda; multis etiam è doctorum vulgo, aut pretium, aut tempus, aut fortasse ingenium ad prolixiora hæc scriptorum monumenta evolvenda, intelligendâque desit; plurimum tamen referet ea nosse, que olim vel perperam, vel rectè à Majoribus patrata sunt; ut ista declinare fugâ, hæc imitatione digna exprimere liceat. Nulla etiam cognitio honestior utilisque rerum humanarum quemque deceat, quàm que Proavorum instituta prosequitur  
nosque



## D E D I C A T I O.

nosque in laudatissimis sanctissimisque Majorum vestigijs pedes docet collocare. quibus imprimis Treviri, ab ipsis Apostolorum temporibus ac discipulis ad orthodoxam fidem eruditi, nunquam degenerantibus posteris, gloriantur, necessarium multis visum est, ut majori compendio, magisque dilucido scribendi genere, praeclarissima quaque Trevirorum gesta prodirent; quo & gravioribus negotiis occupati, & tenuiori aere instructi, & parciore eruditione tincti, à laudabili hac rerum cognitione non excludantur. Cum dignissima veterum Trevirorum memoria sit, praesertim in sanctitate morum & nunquam abolito religionis cultu posita, qua posterorum animis insideat, suoque qua secularis, quàm religiosa vita homines, exemplo stimulet; ne ab illa Proavorum gloriâ degeneres abeant, & ad lubricam vicinarum regionum libertatem devolvantur. Stat etiamnum apud Treviros prisca gentis, & in pietate constantia, & in religionis constantia pietas: & quantum per belli injurias licuit Monasteria, Parthenones, Ecclesiae, suis institutis, ornamentisque hac aetate, si non in dirutis muris, certe in praestantibus hominibus florent: nullo facilius consilio frenoque, quàm Majorum imaginibus, in omni honestate morum eximiis, ad gloriam & imitationem propositis, in officio continendi. Cum enim admirabilis quadam suadendi vis insit exemplis, tum eis praecipue, quae à parentum nostrorum recordatione derivantur, quod veluti cum natura hac ad posteros virtus propagetur, & sua etiam consanguinitate pietas gaudeat.

Quatantò lubentius commemoro, quantò majori tuam Celsitudinem ex Caroli Avunculi cura, ad perfectam Ecclesiasticae vitae normam directam formatamque intelligo: ut ex anteaetate vitae rationibus, cum Roma in



## DEDICATIO.

Pontificio tū Seminario, Spira Trevirisq; in nobili Canonico-  
rum ordine, nihil Tibi acceptius fore suspicer; quam, ut  
Avunculo Teque Rectoribus, pristinus religionis morum-  
que Christianorum laudabilis in Majoribus vigor, ve-  
stris quoque annis auspiciisque, in diocesi unversa con-  
servetur. Augebis hoc decus exemplo vita haectenus incul-  
pata & eximio Ecclesiastica disciplina studio, quā & sin-  
gularem a Nationibus exteris laudem ad tuos retulisti, &  
eandem, sedulo virtutum atque imprimis religionis stu-  
dio, prosecutus, a Tuis Trevirensibus Spirensibusque  
transfundis ad exteros. Et ita quidem versaris cum homi-  
nibus, ut praecipuo humanitatis, demissionisque excellas  
praconio; ita cum Deo ejusque Ecclesiā, ut illustri pieta-  
tis & devotionis exemplo commenderis, sive Treviris ha-  
ectenus Choroepiscopi, sive Spira Decani atque nunc et-  
iam Principis munere praesederis, ut novum Historia Tre-  
verica ornamentum Te aliquando, spectatissimis post Ca-  
rolum moribus, allaturum confidamus. Neque meum il-  
lud, sed publicum Tuorum Collegarum testimonium fuit,  
qui conspirantibus Te nuper votis Adjutorem Successo-  
remque decessori (sicut visum superis) Electori votis de-  
signarunt. Quorum deinde judicia secuti Spirenses, unum  
Te ex pluribus, ad hoc munus idoneis Principem praepo-  
sarunt. Horum igitur ductu perspicaci que judicio, juxta  
animi mei sensum, impulsus, ad eum potissimum hoc ela-  
borata Epitomes argumentum consulto direxi, qui pul-  
cherrimis illud quondam virtutum ornamentis, rerum a  
se gestarum commemoratione, illustrare posset. Ut ceptus  
a me labor honoris ab isdem obtineret, a quibus princi-  
pium sumpsit.

Mag.



## D E D I C A T I O.

*Magnorum semper Principum cura ingens Historia per scriptores idoneos prosequenda fuit; quod illa, ut Tullius loquitur, lux sit temporum, imagma morum, memoria vitæ: addo ego. politica disciplina custos, Ecclesiastica conservatrix, virtutum instructrix, decus & ornamentum reip. Qua & bene meritos suis extollit laudibus, & iniquos justâ reprehensione castigat: ut illorum emulatione posterî ad bonum accendantur; horum detestatione à malo arceantur. intelligantque par sibi à morte superstis fame præmium aut reprehensionem præparari.*

*Non ego hic veterum studia Principum Cesarumque, longo ad persuadendum, ut possum, ordine inducam: Solius Maximiliani I. Cesaris, hic apud Treviros familiariter aliquando versantis historiarum amorem curamque memorabo. Pluribus ille diebus, ac temporum quoque intervallis, Treviris moratus, ad illius loci reconditas antiquitates, thesaurósque Ecclesie, sub Richardo præcipue Archiepiscopo. perlustrandos, operam omnem, studiumque convertit. Idque alibi quidem per Europam, ut erat hujus veritatis cupidissimus, per doctissimos quosque legatorum, qui Monasteriorum, Principum, ac rerum. archiva excuterent; sed Auguste Trevirorum per semetipsum. Tanta apud eum erat huius loci æstimatio. Et verò impetravit, ut jam diu recondita è tenebris in lucem produceretur inconsutilis Christi roga: cuius non tantum spectator ipse esse voluit, sed ejusdem publicæ venerationi exponenda autor imprimis fuit. Quo factò admirandam popululatè ad urbem affluentis religionem excitavit. Reversus subinde ad eandem urbem, præter diversa antiquitatum, & Trevericæ sanctitatis argumenta, Popponis, laudatissimæ ex Austriacorum prosapia memoria olim Archie-*



## DEDICATIO.

episcopi, sepulchrum in vestibulo basilicæ S. Simeonis aperiri postulavit. Cujus post aliquot secula incorruptum corpus, non sine intimo pietatis sensu, contemplatus est.

Et quam sapienter: cum nulla homine dignior in rebus humanis cognitio, quam de hominibus orbi prepositis, eorumque factis queat suppeditari. ut se quisque aliosque exemplo Proavorum, tam ad malorum fugam, quam bonorum prosecutionem accendat, offensionibus illorum periculisque evadat cautior, successibus erigatur, firmetur virtutibus. Quot heroes ad fortia audendum Alexandri Magni Julique Cesaris rebus gestis, eruditâ historiâ propositis, inflammatos intelleximus! Carolus ille Magnus, & alter Quintus laudatissimi Imperatores, quot bellicarum rerum gloria studioq; ad res arduas, exaceruunt! Illorum virtus aliorum calcar fuit. Jam vero ubi in historia Treverica tot sanctitate illustrium virorum, Principum atque Episcoporum gloriosa facinora virtutesque minimè vulgares adumbrantur, suisque ornantur laudibus, quis neget has esse scintillas inflammandis multorum animis idoneas? quod illi potuerunt (sibi quondam oggerbat Augustinus) tu non poteris? quo tandem imitationis ardore succensus, tam illustrem de se posteris historiæ materiem reliquit, nunquam satis laudanda optimorum Episcoporum idea. Quæ me causa, præter aliorum hortamenta, impulere, ut Mathematicorum quorundam artificiosam, in parvo vitri orbe collectam amplissimi viridarij representationem secutus, latum Trevericorum Annalium campum, in breviorē hanc contraxerim Epitomen, quæ & ad multorum pervenire manus posset, & compendiosiori labore evolvi. Ita tamen ut præstantissima quæque hujus lineamenta historia oculis, ad æstimati-



## DEDICATIO.

nem imitationemque subjicerem; ne paucorum tantum nobilium scrinia, illustrioresque solum bibliothecas, hi Annales implerent. sed in his velut pugillaribus, ad vulgus quoque eruditorum, & avidioris populi, ac religiosorum hominum (unde precipuus sperari fructus queat) manus transirent, patrioque nonnunquam sermone, in artioribus hisce tabulis legerentur. Cum enim ex omni generis, etatis, sexusque ordine, illustria per hanc historiam exempla morum suppeditentur, fas erit ad omnium quoque oculos instructionemque transferri. Inveniet hic suos Wendalinos & Worneros juventus, Irminas, Anastasias, ac Gertrudes Chorus Virginum: Helénas, & Genovevas mulierum; Lubentios, Goares, Severos ordo Presbyterorum; Eucharinos, Agritios, Nicetiosque Episcoporum: Palmatios, Justinos, Crescentios gradus Senatorum: Thyrsos, Florentios, Victores statio militum. Religiosorum porro hominum numerus sine numero exemplis sanctitatis pralucebit, ut tot tantisque praeclara adeo Majorum suorum imagines subtrahenda non fuerint, ne in historia nimium avari dispensatores fuisse videamur.

Hunc igitur laborem meum publicis emolumentis divinaeque à me gloria amplificanda destinatum, si Tuo Celsissime Princeps, post Avunculum Carolum, patrocinio dignatus fueris, egerisque, ut subditi exterique hisce stimulis ad virtutem religionemque studiose excolendam animentur, remque Deo gratam, & patria utilem & tibi perquam honoris causa acturus es, intelligesque de vestra non minus fama posteris, quam vos de Majorum existimatione propaganda sollicitos vivere. Ita superi utrisque diu feliciterque regensibus adsistans.

Ita vovet speratque

Devotissimus humillimusque Clienſ J. MASEN.